

مقام

۱۳۲۶

نومرو : ۴

بناء عليه قانون تكامل يرينه قانون تدني
قائم اولور. مادام كه، هيچ بر حقيقت اورته ده
يوق، و هيچ بر حقيقته دسترس اولمق ممكن
دكلدر، ياشامغه، چاليشوب اوغراشمغه، مثلا :
انتقاد ناييله بر مقاله يازمغه نه لزوم واردر ؟ ..
مادام كه لزوم يوق، معناسز لقله اوغراشيلبور ،
ديمكدر .

ايشته بالاددكي سلسله محاكات محرر محترمك
اساس فلسفي اوزرينه يوروديلديكي تقديرده
بك فنا نتيجه لرده منجر اوليور ، حقي كنديسنيك
عليه اصابت ايديبور . بوسر رشته استدلالاتي
بر طرفه براقه لمده اصل تدقيقات فكريه به مراجعت
ايدلم :


دينايور كه ، [تنقيدك نه اصولي ، نه قاعده سي
واردر . ياخود او اصول وقواعدي هر كس
كنديسنه كوره تأسيس ايتمشدر .]
حقيقه حال حاضرده تنقيد ايچون بالفعل
برقاعده ثابته يوقدر . - بوراددكي تنقيد الفاظه
دكل ، معنايه عايندر . -

لكن بالقوه موجود اولماديغي والي الابدقاعده
بايلايه جغني ادعا محض خطادر . وطن اولنديني
كبي اصول وقواعدي هر كس كنديسنه
كوره تأسيس ايتهمشدر و ايدمه من . هر كسك
تنقيد ديه كندي نام و حسابنه سويلديكي ، يازديني
بر مطالعه عنديه دائره سنده قالير كه ، يادوغري ،
يا يا كلش اولور . دوغروني ، ياخود يا كليشاني ده
اوفيكرلك ، اوسوزك ايكنجي برفيكر وسوز ايله
مقايسه سي حالده تبين ايدر .

او ايكنجي فكر ويا سوزده يا بديه يادن ، ياخود
هر كسجه حقايق مسلمه دن اولمق لازمدر .
ايشته ، او حقيقت مسلمه ديكر فكر

صوكره ، صوك بر بيت ايله اسكات ايدويورمك ،
ذاتي ، موقعي ، زمانتي حساب ايتمه مك ديمكدر .
كورونوشه آلدانه يورسه م ، دينه بيليرم كه
« ياوز سلطان سليم » پيه سي ده زواللي « بارعه »
نك درد دوا ناپذيرينه مبتلا اوله جق . . .

حقي طارق



اظهاره دائر

— مابعد —

حقيقتلر - كه بشرك احتياجات دماغيه شندن
اولمق حيثيتيله ، ثبوت انسانه باعث تسليتدر . -
ثبوت بولمازسه ، قانونلر ، قاعده لر - كه
محسوسات و مدركاتك يكديكر ندن مدار
تميزيدر . - دوغرو وياخود موجود اولمازسه
عالم بر زندان مجهوليت ، بشريت او محشر
ظلمات ايچنده نريه كيتديكني ، حقي وارلغني ،
يوقلغني بيله مين و ابديا بيلمه مكه محكوم اولان
موهوم بر تراليدن عبارت قالير .

او حلاله هر حر كتمز يا كلش ، هر چاليشمه من
بدلالق ، بوتون ترقيات جنه واك مترقيلمن
اك مجنونلر مندر . بشريت شو آندن اعتباراً
ياشاماملي د . كيمك تنبللكي زياده ايسه ،
اودها كارليدر . زيرا زمان كچدكچه ، چاليشلديقجه
بيهوده لكدر ، اسكي فنا لقلر ، بدلالقلر اشتداد
ايديبور ، ديمك كه ، ناقص طرفندن ترقى
ايديلبور ، بونقطه يه كوره ، بشريت ، دائما
زيان ايدن ، سته بسنه بوزياني آرتان بر تلجره
بكزركه ، اوتاجر تجارتدن نه قدر زمان اول
چيكليرسه ، اونستنده قازانمش اولور - زيانك
آزالماسي ده بر كارددر . -

سراب

— فائق عالی بکه —

دماغمده اویله بر دوشونجه ، اویله بر خیال زهر آلود وارکه ، دائماً
روحی ، بنلکمی آتشلر ، حالر ، خلجانلر ایچنده کیره رک ، بکا خسته ، بیلانی
بر حیات ، سفیل ، دیکنلی بر عمر ماتم یاشاتیر .

بوطالم ، بوقهار سائق منفور نه ز ، بینیر میسکز ؛ یکی ، چیکنه نه مش ،
کیمسه نک دوشونه مدیکی ، ناشنیده برشی یازمق ، سودیکنک عشقیله ، زهر
خیانیله آغلایانیم کبی برزوالبی ، حیاتی براوچورومه ، بر کرداب فلاکت
دوغروسور وکلین ، صوک باده سموم سفالتی ایچن بدبخت برکنج ، سوکلی
یاوور وقلربی غائب ایدن بیکس بر والده ، اختیار وعلیل بر پدر ایچن برنفخه
تسل ، کاشانی عدسه سودا ایله کورن حساس ، مریض برشاعره برمعکس
علویت ، واسع برسمای حسن اوله جق معصوم ، نجیب ، پاکر برناموجوده
روح ویرمک ، اونی مؤیداً سریر ذی احتشام شعر وادیده یاشاتمق آرزوی
شدیدی ، احتیاج مغفیلدر .

وشومولود معظمی ابداع ایتک او قدر مشکل ، او قدر محال دور که ... کونلرجه ،
آیلرجه ، حتی سنه لرجه بونی دوشونه رک ، طیف آبه دوغرو قوشان صوصامش
بر آفریقاسیاحی کبی سرابه آلدانه رق ، یورولماز برسی ، براهیم مافوق الطبیعی
ایله ، بر جوق صحیفه لراه لایستدم . فقط باشقه لرینک سفیل ، مرده قلمیله ، لوٹ
آکین ، چرک آلود مرکیله یازمقدن بر درلو قور توله مدم . او احتیاج ملعونه
بر نهایت ، برخانه ویریله مدی .

اوف ، آرتق آکلایورم ، آرتق پاک زوالی اولدیفغری حس ایدیورم .
یابالرمز ، دده لرمز ، حاصلی بزدن اول کلنلر ، حقو قری غصب ایتشلر ، بزه
یازیله جتی ، ایجاد ایدیله جک برشی ، مینی مینی برشهرت بیله براقامشیلر .
آه ، هیچ اولزسه ، رقاص ، چالاک براسلوب ، براسلوب نالان بوله بیلسهم ،
اونلره مدهش بر ضربه وورمیش ، اونلردن بر انتقام ، مقترس ، کیندار
برانتقام آلمش اوله جغم .

بزنی نصرت

مشکوک و امثالنه نظر آ (قاعده) صفتی اکتساب
ایدر . یوقسه ، هر هانکی بر شینک ، بر فکرک
اکری و یا دوغرو لغنه - یالکیز کندیسنه
باقیلدیغی ، باشقه برشی ، باشقه بر فکر نظر ادرا که
آلمادیغی حالده - فصل حکم ایدیله بیلیر ؟ ...
سزه اک عادی بر مثال : بر جسمی طاش
دیدیکمز وقت ، طاشک اوصافی بیلیمز
ایسه ک ، او جسمک طاش اولوب اولمادیغی فصل
قبول ایدرز ؟ ... او جسمک کوستریلیدیکی
آنده ، ذهن بر محاکمه آتیه ایله ، طاشک
اوصافی او جسمده بولوب بولمادیغنه کوره ،
بر حکم ویرر ، طاش دییه کوستریان

بر اغاچی طاش اوله رق قبول ایتمه یز . نیچون ؟
چونکه طاشه دائر ذهنم زده محفوظ بولان
بعض ثابت وصفلری آغاجده بولامایز .

شدو مثالده طاشیک ، آغاجک اوصاف
مخصوصه لری ، مذکور جسملرک تعیین ماهیتلری
ایچون ثابت برر حقیقت و بنیاء علیه یو باند
بر قاعده درکه ، او بیلنیش اولماد قیجه مذکور
جسملر ایچون حکم صواب عقلی لاحق
اولاماز .

بالجمله اشیا و مدرکاتک تعیین ماهیت و صحتی ،
بالعموم حقایقک ثبوتی ایچون بویله بر محاکمه
عقلیه ، او محاکمه نک حقیقت جریانی ایچون ده
بر قاعده یه احتیاج واردر .

اگر کائناتده حقایق ثابتیه ، قواعد مدرکه
اولماسه ، ضدیانک بر برینه مساوی اولماسی ،
هر نه ادعا ایدیا یز و سولنیرسه ، هم دوغرو ،
هم اگری اوله بیلیمسی - چونکه دوغروی
اگریدن ، ضدینی یکدیگرندن آیره جق بر
مقیاس یوق - اقتضا ایدرکه ، بوده بر سلسله
نامتناهیته کشمکتی دیمکدر .

یوقاریده کندیسینه مقیاس اوله بیله جیک
مجهولانک تحقیقی ایچون بر (حقیقت مسلمه) نک
وجودینه لزوم کو سترمشدک . صور یله بیلیرکه ،
او حقیقت مسلمه نره دن کیش ؟ ... او حقیقت ،
دیگر حقیقتلرک اقتران و محاکمه سندن متولددر .
حقیقت متولدیه نظراً والد اولان حقیقتلر ده
دیگر لرندن ، دیگر لری ده داها باشقلرندن
ظهور ایتمش ، بوجهله بالجمله سلاسل حقایق
تابشیریتک ابتدای ظهورنده بالمشاهده ادراک
ایدیلن حقایق بسیطه دن نشأت ایلشدر . تعبیر
دیگرله او بسیط حقیقتلر قوه مدرکه و محاکمه

سایه سنده عصرلر کچدکجه اهمیتی آرتان حقایق
تولیده سبب اولمشلر . و بر اولکی عصر دن
دیگر عصره موروثاً انتقال ایتمک و آنلر
واسطه سیله باشقله لری استخراج ایدیلک صورتنیه
تا زمانمزه قدر سور و کله نوب کلمشدر .

ذاتاً بشریتک ترقی و تکاملی دیمک ، اعصار
مسلسله ماضیه دن موروث کتله عظیمه حقایقک ،
آکا بر جوق ذره لر انضمامیه . حجمی نک بویومسی
و بوسایه ده نامتناهی لکی طولدوران مجهولاته
نسبتله اولکنندن داها فرقلی ، داها ممتاز بر
شکل و موقع اکتساب ایتمسی دیمکدر .

هرهانیکی بر قاعده ایچون [...] اکثریت
بیننده مشترک اولورسه آم ، ایشته
بور مغالطه ، بر شاشیرتمه ، بر منطقدر ؛
هر مغالطه ، هر شاشیرتمه ، هر منطق کبی بوده
قوفدر ؛ بوشدر . [و بونی متعاقب [...]
دوشونه بیلنلر پک آزدر دیگر لری ،
بوتون بشریت ، جامد بر کتله کبی هپ بومتفکرین
محدوده نک افکارینه رام اولمش ، یاخود
بر پایاغان کبی هپ اونلرک سوزلرینی تکرار
ایتمشدر .] دنیلدور .

اکثریتک مظهر قبولی اولان قاعده لر ، نصل
اولورده نسیانلرای هیچا هیچه آتیه بیلیر ؟ ...
اکثریت طرفندن ملتزم بر قاعده نک مقبول
طوتلسی لزومی بر منطقدر . لیکن بر شاشیرتمه ،
بر مغالطه اولدینی شایان تسلیم دکدر . هر مغالطه ،
هر شاشیرتمه شبهه سز بوش اولور . فقط ، منطق ،
یعنی محاکمات منطقیه نتایجی قوف اولاماز .

— مابعدی وار —

ف . ساجد

مدیر مسئول : بزیمی نصرت

اخوت مطبعه سی — باب عالی جاده سی